

ենթադրել կարող է, թէ նա գերման է, այլ օտար մարդ:

Ապա նա ամուսնացել է մի գերմանուհու հետ եւ իր տնային կենցաղը բոլորովին գերմանական ձևով յարմարցրել»

Արովեան ինքն իր տոհմի եւ ծնողների մասին հետեւեալ տեղեկութիւններն է հաղորդել Հաքոտհաուզէնին, մասամբ բանաւոր եւ մասամբ գրաւոր կերպով: Արովեան Հաքոտհաուզէնի տրամադրութեան տակ է դրած եղել նաեւ իր գրի առած «Պատանեկան Յիշողութիւնները», որոնք պարունակելիս են եղել հարուստ տեղեկութիւններ այն բոլոր խնդիրների շուրջը, որոնք կազմում են Հաքոտհաուզէնի հետաքրքրութեան առարկան:

Ահա թէ ի՛նչ է ասում այդ մասին գերման գիտնական ճամբորդը.—

«Եւ այստեղ առաջ կը բերեմ Արովեանի ընտանեկան կեանքից եւ պատանեկան յիշողութիւններից մի քանի գծեր ա՛յնպէս, ինչպէս որ մնա ինքն է ինձ հաղորդել, մասամբ գրաւոր եւ մասամբ բանաւոր կերպով: Այդ գծերը կը նըպատեն հայ ժողովրդական կեանքի եւ նկարագրի վրայ պայծառ լոյս նետելուն:

«Քանաքեռի բոլոր ծերունիները տակաւին հպարտութեամբ եւ ակնածութեամբ են յիշում (Հ—ն եղել է նաեւ Քանաքեռում) այն գրաւոր անձնաւորութեան մասին, որ ապրել է նրանց մէջ: Դա՛ Արովեանի պապն է եղել, մեծ հայրը: Մի բարձրահասակ, գեղեցկադէմ մարդ, ամբողջ էութեամբ ինքնավստահ, բայց եւ հեզահամբոյր ու բարեկամասէր մէկը: Նա տեղնուտեղը եռանդ է եղել, ամէն լաւ բանի համար պատրաստակամ, ողջ էութեամբ գանձ ու հարստութիւն ամէն մի կարիքաւորի համար, ինչպէս եւ՝ երջանիկ ամուսին եւ ընտանիքի հայր: Նա հարուստ է եղել, բայց եւ՝ վերին աստիճանի ողորմասէր, կարեկից ու հիւրասէր (ո՛րչափ յիշեցնում են այս խօսքերը՝ «Վէճք Հայաստանի»): Այսպէս ահա, մեծ յարգանք էր վայելում նա հայերի եւ թաթարների, անդամ ականաւոր պարսիկների մօտ: Նա դործատեղիներ եւ կրպակներ ունէր Երեւանում, որ եւ վարձու էր տալիս, ապա նաեւ՝ մի մեծ հողամաս, մանաւանդ՝ հիանալի մըրգաստաններ: Այգիներից մէկը, որ գտնուում էր Երեւանից Թիֆլիս տանող ճանապարհի վրայ

ու գրեթէ մէկ ժամուայ տարածութիւն էր գըրաւում, եւ որը լիքն էր ընկոյզի, խաղողի, կեռասի, սալորի, ծիրանի, թութի եւ փշատի հարիւրաւոր ծառերով ու խաղողի չքնաղ մարգերով, նրա կողմից յատկացուած էր այն նպատակին, որ ուրիշների, օտարների կողմից վայելուէր եւ օգտագործուէր: Երեքից մինչեւ չորս այգեպաններ յատուկ նշանակուած էին՝ այգին մշակելու, կարգուկանոնի մէջ պահելու եւ վերահսակելու համար: Մօտից գնացող ամէն մի անցորդի թոյլ էր տրուած այգին ներս մըրնել եւ ուտել կամ հետը տանել՝ որչափ որ սիրտը կ'ուզէր: Բոլոր պտուղները, որ իրենք իրենց եւ կամ քամուց վայր կը թափուէին, ամէն առաւօտ կողովների մէջ կը հաւաքուէին ու այգու դրան մօտ կը դրուէին, որպէսզի ամէն մէկը, որ եթէ բանէ տեղեկութիւն չունէր, թէ իրաւունք ունի ձրիապէս օգտուելու այգու բարիքներից, մասնակցութիւն ունենար այդ վայելքին: Իսկ ինչ որ անցորդները եւ այգու պահապանները չէին կարող ուտել, այդ էլ գալիս—տանում էին լեռնային գիւղերի հայերը եւ թաթարները, որոնք պտղատու այգիներ գրեթէ չունէին, կամ այն է՝ խիստ կլիմայի պատճառով, եւ կամ որովհետեւ նրանց պակասում էր այգեմշակութեան հասկացողութիւնը եւ ցանկութիւնը: Այդ այգու ձմեռային պտուղները, որ ամառը ուտել կարելի է, ինչպէս եւ խաղողը պահում էին յատուկ մառանում, որի դուռը եւս ամէն մարդու առաջ բաց էր:

Այս ամէնին Հաքոտհաուզէն անմիջապէս կցում է.

«Արովեանի յուշագրքից բառացի քաղում եմ հետեւեալը. «Տակաւին այժմ էլ մեծ չափերով գոյութիւն ունի մեր այգուց ձրիաբար օգտուելու այդ սովորութիւնը: Բայց իմ ծնողները գանգատուում են արցունքով, որ իրենք այլեւս բաւականչափ հարուստ չեն, որ կարող լինին այն մարդկանց պահել՝ այգու մշակութեան եւ հսկողութեան համար, որ՝ այլեւս չեն կարող այն անել, ինչ անում էր (մեծ) հայրը»:

Եւ յետոյ Հաքոտհաուզէն շարունակում է իր պատմութեան թելը, անտարակոյս նոյն աղբիւրի (Արովեանի յուշատետրի) վրայ յենուելով.

«Այն ժամանակները Արովեանների տնից